

續修四庫全書

《續修四庫全書》編纂委員會編

續修四庫全書

上海古籍出版社

一七〇六・集部・詩文評類

海虞詩話十六卷

〔清〕單學傳撰

一

香石詩話四卷

〔清〕黃培芳撰

一〇五

養一齋詩話十卷

〔清〕潘德輿撰

一九三

射鷹樓詩話二十四卷

〔清〕林昌彝撰

二九五

名媛詩話十二卷續集三卷

〔清〕沈善寶撰

五四七

海虞詩話

十六卷

附鈞渚詩選一卷

乙卯季夏
邵息盦題

海虞詩話序

詩話之作濫觴於唐司空表聖二十四詩品而孟啓本事詩范攄雲溪友議實爲說詩之權輿沿及宋元以迄昭代代有編纂種類遂繁或錄全章或摘聯句無非因詩以傳其事抑亦藉詩以存其人然多不拘時代不限方隅鮮有就一邑二百餘年之詩廣爲摭輯者師白單先生吾虞詩人也嘗編國朝海虞詩話十六卷將以續柳南王先生詩苑之後不特深揚風矜雅之思更兼寓闢微顯幽之意惜屬稿未竟先生遽歿癸丑之春鹿鄭亭氏得其初稿并其文孫重訂稿於俞氏以爲此吾邑詩學文獻之徵若不及早刊行日久必致散佚邀予同爲參訂於是校

海虞詩話

序

銅華館

其外訛節其繁冗而尤賴張意溟氏詳覈攷正手錄成書遂謀印本以資傳播並以酈亭氏所選師白詩草一卷附後嗟乎時閱二百年作者數百人吾邑詩學之盛無待言矣讀是編者慨然於單先生哀集之苦心與酈亭氏發潛之盛舉緬懷先哲以挹其流風餘韻吾虞詩派庶幾其不墜也夫時在乙卯仲夏之月同邑後學邵松年息盦氏敬序

單師白先生事略

小門人姚福均撰

單先生諱學傳字師白晚號釣翁常熟釣渚人少時有神童之舉讀書一目數行能背誦爲文博贈嘉善錢黼堂督學江蘇賞歎不置聲噪庠序中吳竹橋太史養志家食呼爲小友俾盡讀所藏四部書幾十年故其學深博無涯浹而著書遂多經類則有經解求是四書旨辨兩種史類則有考古通史摘錄五代史兩種雜家類則有單氏示兒編桂北詹言疑義問答藝苑拾詛通俗珠船徵遠實略懸話紅兜行窩雜錄金壺汁於譜恤類錄肖聲譜無足怪也敬遠宜參錄求佛偶談十五種邑乘類則有虞陽瑣載釣渚小志兩種姓氏類則有見單編虞陽詩話姓氏

海虞詩話

事略

中華書局

兩種詩話類則有海虞詩話海虞風雅桔槔詩話無爲詩話單氏古芬集五種選家類則有國朝絕句大觀集續集名媛絕句大觀集三種自著詩文內集則有員桂堂古文古賦題跋詩鈔四種外集則有員桂堂駢文有韻雜文釣渚詩詞玉情詞鈔賓待集餘集猶賓之集慰神集八種醫學則有痧證辨似未得家傳醫案兩種著述之富幾如明之楊慎胡文煥中歲先祖延之家塾命先府君受業焉故福均得知之詳晚年游汴時婁縣姚椿主講大梁書院時相倡和無何旅卒季子恩炳先入開封幕扶柩歸長子恩蘭字魁香亦有神童譽然不逮父矣屢試不售爲童子師無求於人日暮炊烟不起泊如也雜著有掃苔軒算

學千姓編懷古詩數種性好易取漢宋諸儒之說合於己者及己所獨得者爲讀易易知一書詳晰該博說經有精義邑中易學自孫氏讀易揆方後實賴之以延孫銘玉字丰裁亦有才名官五河縣典史卒於任卽編次乃祖海虞詩話十六卷手錄成書者

海虞詩話

事略

二

中華書局

海虞詩話自序

虞山之陽本爲三吳文學淵藪僕生長於斯而少有吟癖習見風流文雅之士名章秀句輒戀戀不忍去手然力又弗能如王柳南之搜羅散佚選刻詩苑惟就柳南所不及收而及見其詩集并後輩以詩來質者摘選所愛輯爲詩話將置之篋中以挹虞山百餘年靈秀之氣蓋窺豹一斑可知全豹或見驥一毛未知全驥也若鉅製鴻篇收之轉少則專家必能自傳無待區區掇拾耳向來所見遺忘極多鈔寫不勤致深悔恨昔凌南樓先生竹曾編當時同邑人詩十二卷各繫小傳惜其書不傳謝憲南謂虞山多才不遇而死者甚夥乃廣搜博采撰虞山人文前後兩集亦各系小傳寒窗宿齒賴以不泯今爲陸續登輯或附遺聞稍釋作意竊綴評隲其閒者用記一時心賞蘄合詩話體裁非敢妄操月旦也時道光癸未小除夕師白單學傳偶書

海虞詩話

自序

一

銅華館

海虞詩話題辭

幾多炳炳又麟麟大半書生姓氏湮不識深宵呵凍筆是人傳我我傳人

道光甲申小除夕鈞翁題

侯輕萬戶忘窮通待後守先道亦同邀徧此鄉斷髭客與登麟

閣問司空司空圖詩儂家亦有麒麟閣第一功名只實詩

雍除豔語爲防微別有雙眸獨見機昨夜春潮漫琴水冷冷如

聽七絃揮

拂水巖前自葬詩二錢遺蹟訪無知前明錢仁夫事丁南湖爲作詩家記錢陸燾亦極詩

拂水巖前 韶年嘔出心何限東澱編餘可拾遺

海虞詩話

題辭

一

銅華館

雷封百里地規方秀氣盈盈貯錦囊更上海巫峯頂望幾家珠

玉尙韜光

道光丙戌春正鈞翁又題

搜訪辛勤且卅年一鄉遺籍漸成編腐儒生世無裨益想慰吟

魂到九泉

道光己丑四月又題

海虞詩話姓名目

卷一

季京 鄒嚶 陸輅 陸宸鑰

歸士瑀 單嘉猷 蘇先 范君輯

徐鉉 徐鎮 歸允弼 歸允哲

顧柔謙以下流寓 顧祖禹 錢嘏 張文鎰

僧止嚴

卷二

孫秭 歸允肅 錢元英 陸政

單雲瑞 單鄭思 盧定 范上貞

海虞詩話

姓名目

編華館

蔣漣 歸淇 譚紹隆 陸宸鎔

席祐信 王應奎 顧謙 潘仁

許炳 歸鑒 錢嶸 孫芝田

趙世鉞 謝忘流寓 蘇陳潔以下女士 王慧

章孔榮 王蓀 吳綰 歸湘

潘氏

卷三

歸鴻 楊晉 孫爵昌 張潤

單謨 馬元馭 黃曾憲 譚位坤

席鑒 丁斌 張朝績 吳袁維

江藻 徐彝 須敏 姚俊

鮑楷 許廷錄 陳典 王岷

瞿勳 許淳 蔣枏 張道淙流寓

僧德立 僧德元 俞松道 褚氏女士

卷四

王峻 李崙發 劉天立 屈琛

趙森 黃大復 金鴻 張昨

王琛 張仁美 陶漢 許朝

邵齊燕 葉上葉以下流寓 吳思勉 吳思敏

僧律然 許在璞女士

海虞詩話

姓名目

編華館

卷五

鮑溪 顧晟 魚元傳 章應麟

王大椿 吳駿 姚江 周霖

蘇汝礪 譚見龍 唐輔廷 邵齊熊

邵齊然 陳士林 范章承 王湘

潘鎬 黃叔燦 吳大烈 宋金銑

歸純仁 張廷模 言昶 鄒漪

鮑捷助 王陸禔 顧鎮 趙貴和

吳東材 單勛 王玖 楊景修

楊景崑 仲之誥 鮑岡 僧龍

僧聖通 僧琛

卷六

金大椿 王文械 單德棻 姚齊宋

邵步瀛 黃士鎔 邵倫清 蘇去疾

周榮 趙同翮 言朝楫 倪賜

沈啟慈 湯鼎 周兆燧 史慶全

范春林 何忠相流寓 僧果唯 僧化葦

卷七

王岱 吳輪光 王本智 范柏燠

金樾 金輅 高桂捷 周昂

海虞詩話 姓名目 三 銅華館

瞿頤 董如珪 朱宮桂 錢美

金琳 柏應曾 陸金麟 曹士俊

張敦培 俞江 僧明印 席筠以下女士

蘇琇 席仲田 包鏡清

卷八

蔣呆 許金照 周天田 嚴祺

管坤載 陸景雲 蔣侯 黃竹堂

陳聲和 單繼華 單際周 吳蔚光

李書吉 許栻 沈庭暉 龔灝

馮文植 嚴大綸 許況 朱正己

僧顯更 繆端以下女士 趙秉清

卷九

翁咸封 曾濟 邵培惠 江熙

張礪 徐涵 邵廣鑑 王清蘭

張大鑑 錢受鴻 華庭桂 朱景周

趙同鈺 鄭德懋 許廷誥 姚文起

陳向榮 吳耿光 錢大倫流寓 僧妙海

僧真靖 吳靜以下女士 張蘭森

卷十

言朝標 胡鳴謙 瞿青垂 郊談

海虞詩話 姓名目 四 銅華館

吳嫩基 湯啟甲 席銍 沈鼎

張燮 黃泰 嚴本中 席亮

邵大銓 席世柑 趙元紹 席仲甫

毛琛 楊文鐸流寓 錢珍女士

卷十一

張焜 吳炳詔 蔣因培 張榮

單繼盛 屈培基 楊景仁 屈振鏞

景燮 董金章 毛晉昭 席煜

曾涉 蘇孫瞻 丁杰 程梓誥

陳錫桂 陸去病 僧行遠 鮑印以下女士

陸芝 季瑞貞

卷十二

曾豫謙 孫原湘 吳峻基 董錫光

黃瑞 龔 棨 歸聚行 趙允恭

趙元愷 錢 粲 童 得 顧 敬

朱詒燕 趙同標 黃金鑑 王家相

周敦濂 周榮鼎 周 偉以下流寓 錢 泳

席佩蘭女士

卷十三

翁苞封 陶桂森 翁心傳 蔣 銘

海虞詩話

姓名目

五

銅華館

張鳳池 曾祐謙 姚錫範 江 朴

蔣繼燿 嚴景煦 鄧 琳 陳觀理

鄒位能 郭忠訓 季士訢 吳 炎

單學敏 湯 錦 王恩照 陳 祺以下流寓

殷 鎔 曾際昌 曹 芸以下女士 屈秉筠

卷十四

楊希潔 蔡承孝 章俊民 徐 仁

吳協忠 沈 毅 張豐玉 王 聖

姜 鉞 姚錫鬯 程學思 衛 忭

吳 幟 王茂森 金慎思 錢廷鏞

陶 晉 錢瀛桂 姚素珪女士

卷十五

翁心存 江之升 黃金臺 邵淵穎

查鳴球 馮晉璋 顧召春 席振達

徐朝忠 楊 旭 吳 湘 趙允懷

單學太 單學元 王應申 歸 章

張爾旦 蔣寶齡 沈述祖 范顯達

朱克緒 邵淵潤女士

卷十六

曾彬文 曾銘文 陸 潛 秦爾馨

海虞詩話

姓名目

六

銅華館

錢敦禮 李卿華 張容鏡 周 炳

蘇景韓 屈允升 陳光鈺 毛 俊

倪士麟 陳 琳 言尙熾 徐攀桂

許乃昌 顧椿年 王 湘 孫燧

宗 晉 范錫章 平 豫 范 璣

吳 熙 時 埵 楊 森 周 鏡

王朝忠流寓 姚晚真以下女士 張毓珍 桑素青

季蘭疆 宗 婉 吳康承

單學傳師白輯

季遺民京字軼萬宋太常卿陵之後明爲文村望族錢湘靈序其浣花集稱軼萬明年八十而予又加六則輩行相同也詩工琢句窮到不知方有味老歸無用始爲安馮寶伯歎爲名句餘如對月情長憐夜短惜花心熱怨秋寒愁來仗酒爲奇陣老至將詩作內丹蛛絲傍晚垂簷織石髮披階倩帚梳人間樂事惟憑酒世上危途半爲才青眼對人惟竹葉白頭知己只梅花衣寬始覺形骸瘦食少方知骨力孱春社風光花作主詩壇聲氣酒爲謀家貧尙可償詩債年老還堪犯酒讐秋水急流天欲去

海虞詩話

卷一

銅華館

暮雲徐散月將來身悴幸留詩骨健年衰喜閱世情多蓋皆宗仰劍南者家有海棠繁盛罕匹俗有季家海棠十八瓣之說故白隄賣花者輒以文村種三字簽標於海棠而里人則呼爲東皋錦樹

鄒遺民暉字桐君學詩於錢湘靈自名其集曰蒸菌鬱勃可知也惠山泉云造化結脈處靈奇豈偶然山川孕精液珠玉媚澄鮮味自勝三峽名尤著二泉君看此消勾沾漑自千年登金山浮圖云客心壯天險勝覽歷層軒直自雲霄近憑他風浪奔蛟龍抱欄楯金碧泥江根繹繹瞻佳氣周遭萬嶺吞又連營列烽燧飛角海門來敢有鯨鯢動將無鴻雁哀深沈愁鐵鎖寂寞憶

金臺俯仰青冥上雲煙颯颯開敗蕉聲云刷破綠天影淒殘夜兩心猶將展卷意來對倚欄吟颯颯風無力翻翻月有陰池荷休共語幽夢怕相侵佳聯則登鳳凰山云人語征鴻上秋聲落葉中濤聲云魚龍驕欲語天地劃爭迴對雪云天地不分常似曉雲山無影只爭高纖埃不起三千里瑞色平分十萬家又清明日雨有柳色斷詩魂句晚晴望虎邱七古一篇起云日車半側紅雲繞綠陰漲起湖村寶穹窿半嶠二山奔翠來虎邱撐出浮圖小尤奇逸可喜

海虞詩話

卷一

銅華館

陸別駕格字載商號次公陸氏在明爲簪纓世族父名尊禮構嘉蔭園於辛峯之下鑿山開沼亭臺繡錯爲城中勝地次公由知恩縣擢遷通判撫州府因重葺玉茗堂半載告歸堂適落成徧召太守以下官僚泊郡中士大夫遂入湯臨川木主出所攜吳伶合樂演牡丹亭傳奇竟夕而罷題詩二首云百年風月話臨川錦繡心思孰與傳一代人文推大雅三唐詩格會真詮常看宦味同秋水卻任閒情逐暮煙奇絕牡丹亭樂府聲聲字字徹鈞天也學先生曲譜繙還魂珍重十年論偶尋煙月金谿岸重整風流玉茗垣白雪當時憐和寡清商此日校淵翻不才奈有歸田志負卻春秋祀執牖時江左右傳其詩多屬和者王阮亭居易錄嘗記之次公既解組居鄉尤樂輸金作善事並拓園池亭館皆有題署西堂雜俎有十五松贈言序卽其十五松山

房也名輩自錢員沙以下皆時聚於此爲文酒之會園林十詠如歌聲花底出月影樹梢來令人神往於清華境地年九十三而卒子宸孫國瑛曾孫金麟皆舉人

陸文學宸鑰字若士又字殿青號曠道人次公猶子著曠菴詩集篇什極富予止見其手稿三冊皆暮年之作殆未付梓而散佚也其二大冊已剝蝕十之三四不復可讀一爲康熙戊寅歲集一爲己卯歲集一爲暮年之作己卯共得二百六十首時年六十四矣此後所作尙多曠菴少年席豐履盛南北馳驅冒巢民訂以詩云他時明月雷塘路重遇風流杜牧之則飛騰綺麗可想矣中歲家落老益貧困其七律摹倣晚唐許鄭諸家有過

海虞詩話

卷一

三

銅華館

之者書無不讀名流之外又與衲衣還往故亦旁通內典三峯寺中渠家故有捨田也詩非多錄將化烏有然亦豈能全錄乎戊寅歲朝次錢湘靈韻二首云喜占歲月並逢寅檢歷先除九日春丁丑三月十二日立春琥珀香浮椒酒熟琉璃光暈佛燈新藥欄瞥見梅如玉盛放丹窻何來雪作銀元日圓沙詩律細那須子建可相親杜詩又得流年遇戊寅時有年六近山老屋榜宜春兩朝綸語雲霞古四世懷題雨露新懸先太守以下五大尙許談鋒雄似劍不知鬢影爛於銀一杯婪尾醺陶後且與南窗破硯親新得吳夫人爲觀同鐵菴司寇撫州家叔遊罷留守故園云入門猶記舊春暉下上亭臺迹半非苔鎖斷垣春自老

塵生懸榻客誰依蒼山盡夜聞猿泣華表何時見鶴歸只有無

情桃李樹落花隨處傍人飛壘和去花主人自壽詩四首云歷

徧滄桑六十年水村山郭有因緣丹青親受仙人棗紺座常依

佛國蓮開挂酒鎗雙足健苦敲吟鉢一燈然江東人物孫郎在

肯與盧王較後前短褐高冠年復年交蘆室畔自延緣詩宗東

澗村紅豆東澗別墅名禪學西溪社白蓮好夢春濃情似醉名

花山暖豔如然杜詩遊蹤不定隨時健多在龍潭鶴嶺前

南皋風景自年年天與閒身少俗緣繫杖青蚨尋白墮埽庭黃

葉煮紅蓮名和放歌種豆悲楊惲到死持籌笑計然一卷維摩一

聲磬如灰心事佛燈前墜璫一鶴語亮年甲子重新斷萬緣愛

海虞詩話

卷一

四

銅華館

看龍孫產辰因詩竹欲親君子每栽蓮墨花硯匣呼童洗藥火

丹爐信手然更有桂香天際發秋風披拂小山前指令與服之

云分手山寮兩月餘窮居情味近何如詩添穉子功餘課篋理

先人勸騰書訪舊秋高應縱展問奇客好想停車摩挲大樹英

風在肯尙浮夸賦子虛服之讀父書少英敏能詩善書有精力

子日老荒山敗屋課題桃李村莊用西園唱和原韻兼以奉懷

云別墅臨湖稱燕居春花秋草儘如如每曠歸去常酹酒酒陶還

笑窮來不讀書沈攸結隱心期梅少府感時詩格魏黃初憑欄

饒有移情處十里山光映戶虛不似湘潭要卜居平泉金谷竟

何如閒尋點黛張卿筆健讀騎牛李密書桃塢豔侵三月早漁

燈光閃二更初村莊近郭堪憐何羨千旌下碧虛老我山隈
歎索居英英犢鼻念相如自饒董相驚人策不作虞卿感遇書
月正欲圓融雪後春將過半落梅初江天百里寒風緊踟躕何
緣解駕虛西國借再登前韻效晚唐體云莫邪城畔好閒居水
碧山青畫不如杜甫槐葉雨零丹竈火杏花風展竹牀書沿隄
犬吠歸舟近隔岸人喧上市初劇喜掠泥雙燕子傍晨幾度觸
簾虛南沙僻處聲去避塵居門外湖光鏡不如逸趣子山枯樹賦
憤懷叔夜絕交書黃雲漫割蠶眠後紅雨斜飛燕乳初畢竟衡
廬堪嘯傲壺天蓬苑總憑虛舊是棲雲逸士居肯堂今日較何
如西國白序云昔是吾嬉春賸有判花句守道曾無索米書蟻
如祖樓雲散人故居

海虞詩話

卷一

五

銅華館

夢撼柯朝雨後蝶魂醒枕午風初老樂歌罷閒閒在病渴嫌他
賦子虛虞山晚眺應蘇州梁司馬教四首云烏目山高聳海東
振衣西望夕陽紅太公釣渚微茫外帝子書臺杳靄中一虎憑
牀蕭寺古六龍擣穴戰場空句指張士誠言其浮海入登臨無
限情深處暮色遙侵碧樹叢芙蓉倒影媚晴湖落日籠霞燦畫
圖華表蒼涼言子墓羽衣寂寞慧車徒車仙人志白龍血戰青山
破紅鴿丹飛碧甃枯倦鳥投林歸興切孤峯何地著潛夫石城
淪廢屈城連千載亡吳極目前養鹿有園歸牧豎釣魚無渡感
桑田珠宮梵闕徒參錯宰樹豐碑各蔓延斜日銜西多紫氣夫
差古廟總荒煙石城吳置西子處冠則其外衛也今俱廢鹿苑在城西四十里釣渚渡在南三十里皆吳王

故蹟登山
皆可望見
聽說江村駐蹕時太常親自捧鸞旗北來車馬橫河
朔南渡勳名重鼎彝入暮雲巖空謫近郊禾黍漫離離翠微
深處清風好盤礴松陰寄遠思宋高宗南渡季太常抱太廟木主先奔虞山之東村後魏幸其
鎮文村即其地
同錢木菴北園紅橋晚坐云平橋偃坐向遙
青無限晴光上書屏幾陣晚風催墮葉一池秋水冷浮萍憤時
爾自張髯戟落魄吾方感鬢星直北芙蓉看最好此中原近草
玄亭瓊州昌化令陶紫司以進士起家未久歿於官哭以十載
旬三十年前識此生蒼眉如削兩眉清小樓促坐談深處忽聽
風檐蹴鞠聲夜甲辰乙巳開與徐墨園洪正平錢子季等結酒社
棒以臂力和相誇僕言何不學文墨園曰是特聰穎初
學操觚已能作驚人語必成名士但須吾輩掖之耳
好奇意氣

海虞詩話

卷一

六

銅華館

欲凌雲吾黨長年誨一羣灑掃西樓作去聲西塾阿蘭差喜也能
文兒延紫司主西席乙翩然策蹇走長安席帽迎風衣褐寬腹有
郝隆書百卷高談叩闕請泥丸丙辰紫司辭館遊京師欲以布衣上書效力辭行問憐其才者延
阻之乃止
長裾落落颯輕塵驟以英才列上賓那識磨門聲
價在此身先已作陳人吾邑達官因紫司孤生編起特爲一官
海角類投荒三載心期字兩行卻笑文潛空盼遠寄來新杖少
桃榔紫司將赴官寄子書曰先生來處花甲山聊寄四韻預祝三
生登非首邱樂事此言得非妖纖歟又曰張文潛風度無恙枕
鄉杖七尺常於來春寄至此紫司以端明自許也然稍分矣
倚伏何嘗有過情此中消息幾人明鄭生老死終軍少誰謂天
公獨忘名人言紫司文名太重天故嫉之然自來不乏昔年碩

有缺陷登客人不稍留餘步故聞紫司之歿有餘痛焉 欲問歸程瘴海濱臨風南望卻遙

巡一家飄泊蛟龍窟惡語傳來莫不真喧傳遇風覆沒 曹娥死孝

屈平忠千載孤魂白浪中何似長沙小孫子桐棺海角遇剛風

粵買言陶令四月四日起程是日惡風覆二舟未知誰氏舟也若遇剛風破舟尤可慮 皓首交情一歎中

淪胥誰爲問蒼穹手紋挑澈成何字破壁塵埋彈血紅用陶如

此功名死亦冤神傷終日我何言馮夷宮外漫漫路何計隨波

哭寢門右皆在二大冊中佳章不止是也又一冊較多牢騷之

音暮景可悲矣寄蔣文孫憲副時分巡濟南云疆分齊魯領諸

侯濟上旌旄控上游畫戟春深風草假星輶霜壓海天秋平收

岱色尊三輔直探河源辨九州莫道此方難臥理漢家伏湛有

海虞詩話 卷一 七 銅華館

嘉猷佳句如坐辛峯下云煙容隨樹竹雲氣與山平雨過云乍

涼衣被爽迢曉夢魂清近况云歲晏徵求急年衰臥起遲秋蟬

云落葉驚殘夢斜陽入苦吟湖長潛鱗活林疏返鳥愁七言則

終身不作趨時語到處常懷弔古心固窮不愧真君子作達常

同小丈夫年當垂暮身如贅酒遇無情飲更醒人老有文惟罵

鬼途窮無算不輸人錢靈不賣三分傲藥聖難醫萬種癡皆不

忍不錄餘付過飛楊君刻入幽光集若士子名政廩生政繼配

蘇陳潔皆能詩

歸文學士璠字石林號蒼石崇禎八年遊泮以畫山水名於時

詩有柳窗小詠孫永祚序已佚僅得題畫一律云巘峴峯影卷

迴隄曲徑樵行恰易迷飛雨帶紅來湖北斷雲含翠渡橋西重
扉花暗傳琴韻晴檻松深聚鳥噉山靜畫長春草碧曾邀佳客
到門題風格殊凝鍊

單文學嘉猷字微仲順治八年遊泮爲文敏速邑中文士多從

之遊詩詞書法皆工新霽云積雨林薄昏溼雲漫巖屋出門望

陰晴快靚開初旭高峯聳螺鬟潤澤比膏沐池塘激澹波半沒

新生竹草深蛙黽喜繁響出叢綠落花淡無言點點灑春服老

農急磨鎌隴上來弊熟往矣適予情正可騎黃犢蓋多雅潤之

篇此可見一斑也詠讀書燈云莫嫌如豆燈光小照見千秋萬

古來至今人猶傳誦

海虞詩話 卷一 八 銅華館

蘇畫師先字子後號墨莊寫仕女尤爲時所重詩才豪逸生於

明代少時以新柳詩見賞鉅公歿於康熙四十五年庭中手植

梅著花甚繁作短歌云去年梅開花尙少今年花開多益好花

開歲歲春長在種花之人花下老君不見拂水山莊三十樹照

野拂衣如白霧又不見臥雪亭前雪一叢千花萬朵搖春風花

正開時主人出地北天南看不及幽禽空對語關關夜雨徒沾

香裊裊見花忽憶倚花立索笑不休相對泣百歲看花能幾回

人生何苦長汲汲病起云一家明月清風我三事孤琴濁酒詩

避兵云水村莫作桃源看農戶家家盡買刀自有清致子鉉字

駿聲亦能詩弗逮也

范布衣君楷字施字號遜菴居釣渚手錄巾箱頗多所著有廿一史括要二十一篇編次理學四卷常熟志略五册枕流集詩文稿若干卷以無鐫板搜索未獲少時聞先大父俊明公誦其天風吹鶴墮溪月照鷗眠之句以爲工又嘲筍有實心何日得虛心七字亟存之

徐處士鉉字玉田著有樗菴集讓川侍郎恪耳孫也恪祖名德賢字孟明卽明太祖詔旌詩禮傳家者所著靜菴集中有云予家有先隴在虞山之南邵家灣自元末兵燹之際不封不樹今無考矣因賦絕句云病人行古道瘦馬上高山今日傷心淚流緣邵氏灣追遠之思藹然發乎仁孝致足感人也樗菴爲錢湘靈之甥詩有熏染詠水仙花云洛女容何淡湘妃色可餐脩然低首立渺若畏人看膏露融金盞香風拂玉盤洞庭君不類渾欲怯春寒不黏不脫恰到好處

徐處士鎮字孝封玉田弟也著有己酉課餘月下與諸兄對酌得詩云杯中有月影吸酒卽吸月皓月入胸懷我心成月窟卻爲我心無轉移翻嗤月影有圓缺斗牛白氣互不沒豐城寶劍無人掘何時得在俠士腰斬盡虎狼與蛇蠍亦奇傑也子澄詠蛛網云黏得落花綳錦幔帶將飛雨蕩珠簾亦工

歸上舍允弼一名煥字右直惺崖宮詹之兄記覽博洽詩文善隸事著有蔚軒詩文稿應試輒以鼻衄污卷而斥康熙癸未子

海虞詩話

卷一

九

銅華館

鴻成進士君年六十四其冬天子西巡回鑾至順德獻詩二章蒙恩收覽傳示隨駕諸臣有志幸詩云一介姓名邀睿鑒含餽鼓腹更何營蓋榮名爲寶之念不以老而衰也七十三歲自嘲二律云五十年前二十三句成忽驚白髮已氎氎縱能徒步將誰訪尙欲登科恐不堪紹興中陳敏修年七十三登第揚子擬經經未就白公薄酒酒須酣南村幸有同心侶浩蕩堯天且學慙四百四十五甲子二萬六千六百旬舊德每嗤長樂老酬觴竊慕葛天民趙村看杏重來未鄭樵辭官取伴新自註鄭宏中學士年七十三表請致仕劉貢父曰不可遂其請留取伴八十四長憶放翁詩句好此心猶與物爲春詠佛手柑一聯尤佳迷津恐陷煩相引彼岸將登試一攜並著有經疑史

海虞詩話

卷一

十

銅華館

測五七種今皆不傳

歸文學允哲字濬瞻號蔗園順治八年寄籍吳縣入學性寬厚有老佛之稱養蠶詞云朝采桑暮采桑朝朝暮暮何倉皇大婦停炊不得食小姑倚枕何曾息寒須火溼須拭親朋卻絕無顏色看看上箔繭離離自謂今年勝舊時舊時絲盡衣裳破今歲贏餘定堪賀家長料量夜不眠完租償賸無錢年年只爲他人計計到來春又惘然曲折有味

顧逸士柔謙字耕石無錫人鼎革後改名隱攜子祖禹寓宛山以教讀自給與華約堂范鈍翁爲同庚三老皆遺民之有品者詠史云大臣功名會每不保令終功高身益危名顯禍彌崇主

眷或稍移快快難爲忠周旋三朝老卓哉韓魏公定策立二帝
片言調兩宮竄佞嫉申嘉善諫賢觸龍寂然不動色欣然敢居
功庶乎君子人令名垂無窮又吾愛邵夫子積學究天人德器
淵且厚貴賤悉見親莫測同大海可掬如陽春衆正方有爲高
尚礪出塵今之稱學者氣質殊未馴胸無半卷書居然出長民
崇己以凌物誰復甘賤貧度量遠相越試看古今人田家云田
家本村樸意頗好文人目不曉詩書識字爲可尊衣食苟有餘
卽思教子孫敢望列科第使足記姓名慧勿誘之巧愚貴留其
眞因材以翼之不失爲良民苟有負老農甯不忝斯文爲村塾
師如此卽可知其情性矣

海虞詩話

卷一

十一

銅華館

顧逸士祖禹字景范隨父寄居釣渚范鼎九家故自號宛溪子
柳南隨筆竟以爲邑人非也著有方輿紀要爲地理家觀止之
書徐健菴修一統志三聘始往既成將列其姓名上之朝景范
不可至欲投死階石其堅志如此蓋甘爲勝國遺民也送王石
谷憚南田詩云秋色牽衣戶半扃君行應念此園亭桐枝濯濯
傍檐綠竹葉垂垂帶雨青別意欲言思轉蹉愁懷難遣酒無靈
漫勞握手增惆悵他日還添兩鬢星

錢徵士嘏字梅仙號堪齋祖籍吾邑之鹿苑遷居太倉雙鳳里
已五世矣君爲陳確菴高弟行誼著述詳載其族兄員沙老人
所撰墓誌附刊城齋詩集後曾氏志仍列爲邑人頗未審核今姑錄一

詩庚午秋訪稼書侍御於長春寺宦情泊如也未幾兩上封事
遂放歸讀其疏草慨然有作以寄之特矢丹誠皎日中行藏磊
落古人同居官夙懷懸魚操封事今高折檻風欲向狂瀾爲砥
柱豈知鳴鳳作歸鴻比來最喜聾雙耳偏聽先生疏獨聽餘七
律皆跌宕高華希風沈宋存此亦足表氣節也又僧同月上山
五字予特愛之

張處士文鑣字以純號就菴本休甯人明末自嘉興徙吾邑十
歲應童子試以冒籍攻去後欲歸試路遠竟止讀書勵行以陸
觀菴爲師周以甯錢梅仙輩爲友字法松雪汪簡菴宰新都還
慕其品每令幼子與遊卽東山修撰也居文星橋西鶴來降庭

海虞詩話

卷一

十一

銅華館

作來鶴詩云乘軒未卜他年事且向幽窗伴讀書一時投贈詞
章甚夥晚年旅食吳興詩日豪健和周以甯秋感云獨抱遺經
世寡諸居今稽古邈無儕王風蔓草荆榛恨古道秋飆禾黍懷
俗事豈容懸齒頰素心相與忘形骸月孤竹冷西窗宿夢繞漁
歌釣水涯忽忽無成鬢已絲藥鑪經卷不曾離老當益壯觀書
得富不如貧策卦知蝕字得仙憐蠹苦採花成蜜笑蜂癡此生
壽數憑天定篤疾經年似趙岐和陳在之先生癸亥落花詩

序云幹躬於癸亥三月不日不月純李臨沈亞臨路斷源源清水時見落花故有是作妝飾枯林賴

百花花神何不惜芳華卻憑風雨侵欺殺祇道君王判斷差夢
裏但宜爲蛺蝶眼前惟恐似蝦蟆癸亥論麗麗之蛙謾言芍藥

天留得因在長安富貴家裏足埋頭今更宜枉催羯鼓憶前期
恐爲魚鼈沈諸水擬向鷓鴣借一枝有淚哭春人起早無書乞
米午炊遲灌園未辦扶 hands 寄語東山莫賭棋花陽淒涼麥隴
荒黑雲猶是蔽天光名園古有文章據春樹今無錦繡妝應訝

亂紅埋兔窟鶴驚溪漲失魚梁可憐雨不知時至勝是春秋殺
草霜桃肥杏臉淚交流如此泥塗豈可游且與故人論比興更

教小子讀春秋忍飢錦雉應憐尾尋豔黃蜂不轉頭梓澤蘭亭

傷異代於今天幕足淹留電笑寔嗔天未醒人憂似梗逐浮萍

春光一雨洗都盡世味千波濯亦腥杜宇枝頭懸蠟螭百勞溪

上趁蜻蜒杜詩偷眼麥如腐草猶徵稅除是多收幾斛螢窠

海虞詩話 卷一 十三 銅華館

堰開渠每荷蕤可憐錦段委狂波芳蘭卻使根先爛蔓草翻留

劫外過燕得香泥穿北戶梁簡文燕詩蟻加封土到南柯傷心

記得前年事轉舉饑民似此多宋中兩年旱潦相繼慷慨悲歌作意飛動

非習爲學究語者所能彷彿也亦有集二卷中佳篇尙不盡此

王柳南與其猶子道浚交而詩苑選道浚詩未及就菴與就菴

之子道淙又就菴和高青邱十詞牧牛紡紗二詞詩苑見周楨

卽以名下俱疑團莫測者也

僧止巖字豁堂號藕魚浙江人明鼎革爲僧曾主三峯寺方丈

書畫兼工有同丸草二卷王漁洋特重之田家云田家無他望

所望在平畦但恐終歲力不得遂其私何哉造物者亦得厚我

施夜來微雨過使我榮麥滋登邱一憑眺秀色遠參差此時桃
與李豈乏好容姿顧予樸野性獨與此相宜及時務耕作那敢
貪天時沈歸愚謂近陶公性情不在面貌予謂只寫得田家眞
意出遂覺超凡耳

海虞詩話 卷一 十四 銅華館

海虞詩話卷三

單學傳師白輯

孫文學穉字巨禾本芝方伯朝讓長子順治十四年游泮改名承澤占烏衣之門第誇白雪之詞章既而困頓場屋益肆力於詩年登大耋雖傷貧歎老而意氣不衰著有詒壽堂集吉廬集得閒集皆不署名又肯閒齋集署孫承澤巨禾著蘇耕漁家藏其舊鈔本但諸集中詩多相同又或署孫餘慶仇筠著豈一人而改名者耶今摘其聞在杜林殿元之命云宮花壓帽殿頭榮身逼雲霄九萬程射策競傳三唱首讀書爭羨十年成春風花簇瓊林杏喬木聲喧上苑鶯吾邑科名推盛事後先周甲數同

海虞詩話

卷二

銅華館

庚自注本朝前後戊戌狀元俱吾邑人可稱盛事癸卯重陽述懷云潦倒名場三十年

升沈各判倍茫然籬邊綻菊同陶徑闕下掄才羨祖鞭自注重九會試

正值登山開笑口何堪落帽歎華顛也知世事如棋局無奈輸

他一著先西城外望大石山房有感云荒祠一望尙峨巍面對

西城似帶圍先世風流孤石冷累朝敕命暮煙微亂鴉點點飛

還止古木蕭蕭遠更稀何故簪纓今歇絕只緣年少半輕肥餘

如躬耕食力慚求仲滅竈更炊爨愛伯鸞齊門鼓瑟非投好下璞

無媒枉見疑知音何處尋焦尾長價無期斂莫耶可堪祖烈遺

三世敢道家聲已百年天道豈容人太滿世緣獨歎我無多不

求生計千頭橘卻羨孤標百尺松又如金雖散盡甯知惜棋欲

終時始悟低身為怕寒經臘苦心非因熱喜春佳相異處原不賤囊無鵝眼自應嘲鳩不能巢惟占鵲鶴緣求食豈防應閒諳世態宜酣睡老識人情怕遠遊佳聯多不勝摘卽此可以知其梗概矣

歸宮詹允肅字孝儀號惺崖康熙十八年廷試第一學行見志乘其集出最晚故柳南詩苑歸愚別裁皆闕如予先在張止箴處見手稿一冊曰燕游草詩皆簡質厚重嗣又見其孫嘉慶十年所鐫詩文集則燕游草中作不盡在也康熙二十年奉命典試入闈卽事云冰銜夙昔凜清秋大典光膺鳳沼頭愧乏文章麗奎壁謬將藻鑑別驛驢廿年攻苦盟心久一日聲華感遇優

海虞詩話

卷二

銅華館

聖主儲材資廣廈棟枅梓應時收有闕中誓文其略曰允肅等素著清貧謬叨榮遇期爲朝廷遴選真材不爲身家營謀私窟勿通關節而徇暮夜之情勿顧恩私而開朋比之路絕夤緣奔競之階務求實學杜浮薄誇張之習不采虛聲儻或爲利營私徇情欺主明正國法幽伏冥誅甘受妻孥戮辱之慘必膺子孫滅絕之報潔誠具告神其鑒之八月初八夜聚奎堂會擬題目進呈御覽紀事云奎堂對坐漏聲殘燭影搖紅曉色攢四子傳心期共貫五經微義析應難禁鐘遙動金風肅星漢無塵玉宇寒親捧御函當檻立翹瞻北斗正闌干蓋順天鄉試正考官向以新科殿撰主之自明初至我朝相沿無異所取故多有聲